



Alma 23–29

JUUN 29–JULĀE 5

Alkin oktak tok eo aer, RiLeman ro retiljek rekar kōṇaan juon et ekāāl ṇan kōjenolōk er make jān RiLeman ro jet im ṇan kōkalleik oktak tok eo aer make ṇan Jisōs Kraist. Rekar ṇa etaer make Antai-Nipai-Liai (lale Alma 23:16–17). Jej kōjeṇolōk kōj make rainin ilo ad bōk iood etan Jisōs Kraist.

EKŌNONO

Ewi wāween aṃ bōk ioom etan Kraist ilo jōmṇak ko aṃ kajjojo raan im ṃakūt-kūt ko me rej iṃwe eok ṇan erom juon rikaṃooran eṃṃanlōk?

Ta Aorōk in juon Et?

Juon Kōkalḷe in Ad Oktak tok



Ilo iien peptaij, jej bujen bōk iood make etan Kraist. Kajjojo iien jej bōk kwojkwoj, jej kōkāāle bujen eo. Ta eo jej bujen kake ṇan kemeemej im kōmṃane ilo ad bōk iood Etan? (Lale Mosaia 18:8–9; Katak im Bujen Ko 20:77.)

Juon Rikaṃool an Kraist



Rijilōk ro rej “rikaṃool ro rejeṇolōk ilo etan Kraist ilo aolepān laḷ in” (Katak im Bujen Ko 107:23). Jemaroṇ barāinwōt erom rikaṃool an Kraist. Ewi wāween kwomaroṇ juon wōt ippān rikaṃnaan im rijilōk ro im erom juon rikaṃool ilo etan Kraist ṇan armej ro ipeḷaakūṃ?

Juon Kein Jipaṇ an Kajoor



Raan ko ḷōk, Būreej-tōn Russell M. Nelson ekar kajjitōk ippād ṇan kūr etan Kabuṇ in ilo lukkun jimwe in etan: Kabuṇ eo an Jisōs Kraist im Armej ro Rekwojarjar ilo Raan Ko Āliktata. Ekar kallimur bwe kajoor enaaj lutokleplepioon Armej ro Rekwojarjar ilo ad kōmṃane āindein (lale “Jimwe in Etan Kabuṇ in,” *Liaona*, Nḡb. 2018, 89). Ta jet men ko kwomaroṇ kōmṃani ṇan kōkṃanṃanlōk kilen kōjērbal et eo ejimwe etan Kabuṇ in im jipaṇ ro jet kōmṃan ejja āindein?

